

大般若波羅蜜多經卷第五十三

三

唐三藏法師玄奘奉詔譯

初分辯大乘品第十五之三

爾時具壽善現白佛言世尊云何菩薩摩訶

薩修行般若波羅蜜多時以無所得而為方

便於內外俱身受心法住循身受心法觀熾

然精進具念正知為欲調伏世貪憂故佛言

善現若菩薩摩訶薩修行般若波羅蜜多時

以無所得而為方便審觀自身行時知行住

時知住坐時知坐卧時知卧如如自身威儀

差別如是如是具念正知善現是為菩薩摩

訶薩修行般若波羅蜜多時以無所得而為

方便於內身住循身觀熾然精進具念正知

為欲調伏世貪憂故復次善現若菩薩摩訶

薩修行般若波羅蜜多時以無所得而為方

便審觀自身正知往來正知瞻視正知俯仰

正知屈申服僧伽胝執持衣鉢嘗食歡飲卧

息經行坐起承迎寤寢語默入出諸定皆念

正知善現是為菩薩摩訶薩修行般若波羅

蜜多時以無所得而為方便於內身住循身

觀熾然精進具念正知為欲調伏世貪憂故

復次善現若菩薩摩訶薩修行般若波羅蜜

多時以無所得而為方便審觀自身於息入

時如實念知息入於息出時如實念知息出

於入息長時如實念知入息長於出息長時

如實念知出息長於入息短時如實念知入

息短於出息短時如實念知出息短如工輪

師或彼弟子輪勢長時如實念知輪勢長輪

勢短時如實念知輪勢短諸菩薩摩訶薩修

行般若波羅蜜多時以無所得而為方便審

觀自身入息出息若長若短如實念知亦復如是善現是為菩薩摩訶薩修行般若波羅蜜多時以無所得而為方便於內身住循身觀熾然精進具念正知為欲調伏世貪憂故復次善現若菩薩摩訶薩修行般若波羅蜜

二

三

多時以無所得而為方便審觀自身如實念知四界差別所謂地界水界火界風界如巧屠師或彼弟子斷牛命已復用利刀分析其身剖為四分若坐若立如實觀知諸菩薩摩訶薩修行般若波羅蜜多時以無所得而為方便審觀自身如實念知地水火風四界差別亦復如是善現是為菩薩摩訶薩修行般若波羅蜜多時以無所得而為方便於內身住循身觀熾然精進具念正知為欲調伏世貪憂故復次善現若菩薩摩訶薩修行般若波羅

蜜多時以無所得而為方便審觀自身如實念知從足至頂種種不淨克滿其中外為薄皮之所纏裹所謂唯有髮毛爪齒皮革血肉筋脉骨髓心肝肺腎脾膽胞胃大腸小腸屎尿涕唾涎淚垢汗痰膿肪胔腦膜瞳睛如是

不淨克滿身中如有農夫或諸長者倉中盛滿種種雜穀所謂稻麻粟豆麥等有明目者開倉觀之即如實知其中唯有稻麻粟等種種雜穀諸菩薩摩訶薩修行般若波羅蜜多時以無所得而為方便審觀自身如實念知

三

三

從足至頂唯有種種不淨毘物克滿其中亦復如是誰有智者寶玩此身唯諸愚夫迷謬耽著善現是為菩薩摩訶薩修行般若波羅蜜多時以無所得而為方便於內身住循身觀熾然精進具念正知為欲調伏世貪憂故

復次善現若菩薩摩訶薩修行般若波羅蜜多時以無所得而為方便往澹泊路觀所棄屍死經一日或經二日乃至七日其身胖脹色變青瘀臭爛皮穿膿血流出見是事已自念我身有如是性具如是法未得解脫終歸如是誰有智者實玩此身唯諸愚夫迷謬耽著善現是為菩薩摩訶薩修行般若波羅蜜多時以無所得而為方便於內身住循身觀熾然精進具念正知為欲調伏世貪憂故復次善現若菩薩摩訶薩修行般若波羅蜜多時以無所得而為方便往澹泊路觀所棄屍死經一日或經二日乃至七日為諸鷓鷯烏鵲鴉梟虎豹狐狼野干狗等種種禽獸或啄或齧骨肉狼籍齧掣食噉見是事已自念我身有如是性具如是法未得解脫終歸如是

誰有智者實玩此身唯諸愚夫迷謬耽著善現是為菩薩摩訶薩修行般若波羅蜜多時以無所得而為方便於內身住循身觀熾然精進具念正知為欲調伏世貪憂故復次善現若菩薩摩訶薩修行般若波羅蜜多時以無所得而為方便往澹泊路觀所棄屍蟲蛆食

已肉離骨現支節相連筋纏血塗尚餘腐肉  
見是事已自念我身有如是性具如是法未  
得解脫終歸如是誰有智者寶玩此身唯諸  
愚夫迷謬耽著善現是為菩薩摩訶薩修行  
般若波羅蜜多時以無所得而為方便於內  
身住循身觀熾然精進具念正知為欲調伏  
世貪憂故復次善現若菩薩摩訶薩修行般  
若波羅蜜多時以無所得而為方便往澹泊  
路觀所棄屍已成骨瓔血肉都盡餘筋所連  
見是事已自念我身有如是性具如是法未  
得解脫終歸如是誰有智者寶玩此身唯諸  
愚夫迷謬耽著善現是為菩薩摩訶薩修行  
般若波羅蜜多時以無所得而為方便於內  
身住循身觀熾然精進具念正知為欲調伏  
世貪憂故復次善現若菩薩摩訶薩修行般

若波羅蜜多時以無所得而為方便往澹泊  
路觀所棄屍但餘衆骨其色皓白如雪珂貝  
諸筋糜爛支節分離見是事已自念我身有  
如是性具如是法未得解脫終歸如是誰有  
智者寶玩此身唯諸愚夫迷謬耽著善現是  
為菩薩摩訶薩修行般若波羅蜜多時以無  
所得而為方便於內身住循身觀熾然精進  
具念正知為欲調伏世貪憂故復次善現若  
菩薩摩訶薩修行般若波羅蜜多時以無所  
得而為方便往澹泊路觀所棄屍成白骨已  
支節分散零落異方所謂足骨膈骨膝骨髌  
骨腕骨脊骨脅骨胷骨臂骨手骨項骨  
頷骨頰骨髑髒各在異處見是事已自念我  
身有如是性具如是法未得解脫終歸如是  
誰有智者寶玩此身唯諸愚夫迷謬貪著善

現是為菩薩摩訶薩修行般若波羅蜜多時以無所得而為方便於內身住循身觀熾然精進具念正知為欲調伏世貪憂故復次善現若菩薩摩訶薩修行般若波羅蜜多時以無所得而為方便往澹泊路觀所棄屍骸骨

狼籍風吹日暴雨灌霜封積有歲年色如珂雪見是事已自念我身有如是性具如是法未得解脫終歸如是誰有智者寶玩此身唯諸愚夫迷謬耽著善現是為菩薩摩訶薩修行般若波羅蜜多時以無所得而為方便於內身住循身觀熾然精進具念正知為欲調伏世貪憂故復次善現若菩薩摩訶薩修行般若波羅蜜多時以無所得而為方便往澹泊路觀所棄屍骸骨散地經多百歲或多千年其相變青狀猶鴿色或有腐朽碎末如塵

與土相和不可分別見是事已自念我身有如是性具如是法未得解脫終歸如是誰有智者寶玩此身唯諸愚夫迷謬耽著善現是為菩薩摩訶薩修行般若波羅蜜多時以無所得而為方便於內身住循身觀熾然精進具念正知為欲調伏世貪憂故善現諸菩薩摩訶薩修行般若波羅蜜多時以無所得而為方便如於內身如是差別住循身觀熾然精進具念正知為欲調伏世貪憂故於外身住循身觀於內外身住循身觀熾然精進具念正知為欲調伏世貪憂故隨其所應亦復如是善現諸菩薩摩訶薩修行般若波羅蜜多時以無所得而為方便於內外俱受心法住循受心法觀熾然精進具念正知為欲調伏世貪憂故隨其所應皆應廣說善現如是

菩薩摩訶薩修行般若波羅蜜多時以無所得而為方便於內外身俱受心法住循身受心法觀時雖作是觀而無所得善現當知是為菩薩摩訶薩大乘相復次善現菩薩摩訶薩大乘相者謂四正斷何等為四善現若菩薩摩訶薩修行般若波羅蜜多時以無所得而為方便於諸未生惡不善法為不生故生欲策勵發起正勤策心持心是為第一若菩薩摩訶薩修行般若波羅蜜多時以無所得而為方便於諸已生惡不善法為永斷故生欲策勵發起正勤策心持心是為第二若菩薩摩訶薩修行般若波羅蜜多時以無所得而為方便未生善法為令生故生欲策勵發起正勤策心持心是為第三若菩薩摩訶薩修行般若波羅蜜多時以無所得而為方便

已生善法為令安住不忘增廣倍修滿故生欲策勵發起正勤策心持心是為第四善現當知是為菩薩摩訶薩大乘相復次善現菩薩摩訶薩大乘相者謂四神足何等為四善現若菩薩摩訶薩修行般若波羅蜜多時以無所得而為方便修欲三摩地斷行成就神足依離依無染依滅回向捨是為第一若菩薩摩訶薩修行般若波羅蜜多時以無所得而為方便修勤三摩地斷行成就神足依離依無染依滅回向捨是為第二若菩薩摩訶薩修行般若波羅蜜多時以無所得而為方便修心三摩地斷行成就神足依離依無染依滅回向捨是為第三若菩薩摩訶薩修行般若波羅蜜多時以無所得而為方便修觀三摩地斷行成就神足依離依無染依滅回

向捨是為第四善現當知是為菩薩摩訶薩  
大乘相復次善現菩薩摩訶薩大乘相者謂  
五根何等為五善現若菩薩摩訶薩修行般  
若波羅蜜多時以無所得而為方便所修信  
根精進根念根定根慧根善現當知是為菩

薩摩訶薩大乘相復次善現菩薩摩訶薩大  
乘相者謂五力何等為五善現若菩薩摩訶  
薩修行般若波羅蜜多時以無所得而為方  
便所修信力精進力念力定力慧力善現當  
知是為菩薩摩訶薩大乘相復次善現菩薩

摩訶薩大乘相者謂七等覺支何等為七善  
現若菩薩摩訶薩修行般若波羅蜜多時以  
無所得而為方便所修念等覺支擇法等覺  
支精進等覺支喜等覺支輕安等覺支定等  
覺支捨等覺支依離依無染依滅回向捨善

現當知是為菩薩摩訶薩大乘相復次善現  
菩薩摩訶薩大乘相者謂八聖道支何等為  
八善現若菩薩摩訶薩修行般若波羅蜜多  
時以無所得而為方便所修正見正思惟正  
語正業正命正精進正念正定依離依無染

依滅回向捨善現當知是為菩薩摩訶薩大  
乘相復次善現菩薩摩訶薩大乘相者謂三  
三摩地何等為三善現若菩薩摩訶薩修行  
般若波羅蜜多時以無所得而為方便觀一  
切法自相皆空其心安住名空解脫門亦名  
空三摩地是為第一若菩薩摩訶薩修行般  
若波羅蜜多時以無所得而為方便觀一切  
法自相空故皆無有相其心安住名無相解  
脫門亦名無相三摩地是為第二若菩薩摩  
訶薩修行般若波羅蜜多時以無所得而為

方便觀一切法自相空故皆無所願其心安  
住名無願解脫門亦名無願三摩地是為第  
三善現當知是為菩薩摩訶薩大乘相復次  
善現菩薩摩訶薩大乘相者謂法智類智世  
俗智他心智苦智集智滅智道智盡智無生  
智如實智是為菩薩摩訶薩大乘相爾時尊  
者善現白佛言世尊云何法智佛言善現若  
智以無所得而為方便知五蘊等差別相轉  
是為法智世尊云何類智善現若智以無所  
得而為方便知蘊界處及諸緣起若總若別  
是無常等是為類智世尊云何世俗智善現  
若智以無所得而為方便知一切法假設名  
字是為世俗智世尊云何他心智善現若智  
以無所得而為方便知他有情心心所法及  
修行證滅是為他心智世尊云何苦智善現

若智以無所得而為方便知苦應不生是為  
苦智世尊云何集智善現若智以無所得而  
為方便知集應永斷是為集智世尊云何滅  
智善現若智以無所得而為方便知滅應作  
證是為滅智世尊云何道智善現若智以無  
所得而為方便知道應修習是為道智世尊  
云何盡智善現若智以無所得而為方便知  
貪瞋癡盡是為盡智世尊云何無生智善現  
若智以無所得而為方便知有趣不復生是  
為無生智世尊云何如實智善現如來一切  
智一切相智是為如實智善現當知是為菩  
薩摩訶薩大乘相復次善現菩薩摩訶薩大  
乘相者謂三無漏根何等為三謂未知當知  
根已知根具知根爾時具壽善現白佛言世  
尊云何未知當知根佛言善現若諸學者於



諸聖諦未已現觀未得聖果所有信根精進  
根念根定根慧根是爲未知當知根世尊云  
何已知根善現若諸學者於諸聖諦已得現  
觀已得聖果所有信根精進根念根定根慧  
根是爲已知根世尊云何具知根善現謂諸  
無學者若阿羅漢若獨覺若諸菩薩已住十  
地若諸如來應正等覺所有信根精進根念  
根定根慧根是爲具知根善現如是三根若  
以無所得而爲方便者當知是爲菩薩摩訶  
薩大乘相復次善現菩薩摩訶薩大乘相者  
謂三三摩地何等爲三謂有尋有伺三摩地  
無尋唯伺三摩地無尋無伺三摩地爾時具  
壽善現白佛言世尊云何有尋有伺三摩地  
佛言善現若離欲惡不善法有尋有伺離生  
喜樂入初靜慮具足住是爲有尋有伺三摩

地世尊云何無尋唯伺三摩地善現若初靜  
慮第二靜慮中間定是爲無尋唯伺三摩地  
世尊云何無尋無伺三摩地善現若第三靜  
慮乃至非想非非想處是爲無尋無伺三摩  
地善現如是三三摩地若以無所得而爲方  
便者當知是爲菩薩摩訶薩大乘相復次善  
現菩薩摩訶薩大乘相者謂十隨念何等爲  
十謂佛隨念法隨念僧隨念戒隨念捨隨念  
天隨念寂靜厭離隨念入出息隨念身隨念  
死隨念善現如是十隨念若以無所得而爲  
方便者當知是爲菩薩摩訶薩大乘相復次  
善現菩薩摩訶薩大乘相者謂四靜慮四無  
量四無色定八解脫八勝處九次第定十遍  
處等所有善法以無所得爲方便者當知是  
爲菩薩摩訶薩大乘相復次善現菩薩摩訶

薩大乘相者謂佛十力何等為十謂處非處  
智力業異熟智力種種界智力種種勝解智  
力根勝劣智力遍行行智力靜慮解脫等持  
等至雜染清淨智力宿住隨念智力死生智  
力漏盡智力爾時具壽善現白佛言世尊云  
何處非處智力佛言善現若以無所得為方  
便如實了知因果等法處非處相是為處非  
處智力世尊云何業異熟智力善現若以無  
所得為方便如實了知諸有情類過去未來  
現在諸業法受種種因果相是為業異熟智  
力世尊云何種種界智力善現若以無所得  
為方便如實了知諸有情類無量界相是為  
種種界智力世尊云何種種勝解智力善現  
若以無所得為方便如實了知諸有情類無  
量勝解相是為種種勝解智力世尊云何根

勝劣智力善現若以無所得為方便如實了  
知諸有情類根勝劣相是為根勝劣智力世  
尊云何遍行行智力善現若以無所得為方  
便如實了知諸有情類遍行行相是為遍行  
行智力世尊云何靜慮解脫等持等至雜染  
清淨智力善現若以無所得為方便如實了  
知諸有情類靜慮解脫等持等至雜染清淨  
根力覺支道支等相是為靜慮解脫等持等  
至雜染清淨智力世尊云何宿住隨念智力  
善現若以無所得為方便如實了知諸有情  
類無量無數宿住事相是為宿住隨念智力  
世尊云何死生智力善現若以無所得為方  
便如實了知諸有情類無量無數死生事相  
是為死生智力世尊云何漏盡智力善現若  
以無所得為方便如實了知諸漏永盡無漏

心解脫無漏慧解脫於現法中自作證具足  
住能正了知我生已盡梵行已立所作已辦  
不受後有是為漏盡智力善現當知是為菩  
薩摩訶薩大乘相復次善現菩薩摩訶薩大  
乘相者謂四無所畏何等為四謂正等覺無  
畏漏盡無畏障法無畏盡苦道無畏爾時具  
壽善現白佛言世尊云何正等覺無畏佛言  
善現若以無所得為方便自稱我是正等覺  
者設有沙門若婆羅門若天魔梵或餘世間  
依法立難及令憶念言於是法非正等覺我  
於彼難正見無由以於彼難見無由故得安  
隱住無怖無畏自稱我處大仙尊位於大眾  
中正師子吼轉妙梵輪其輪清淨正真無上  
一切沙門若婆羅門若天魔梵或餘世間皆  
無有能如法轉者是為正等覺無畏世尊云

何漏盡無畏善現若以無所得為方便自稱  
我已永盡諸漏設有沙門若婆羅門若天魔  
梵或餘世間依法立難及令憶念言有如是  
漏未永盡我於彼難正見無由以於彼難見  
無由故得安隱住無怖無畏自稱我處大仙  
尊位於大眾中正師子吼轉妙梵輪其輪清  
淨正真無上一切沙門若婆羅門若天魔梵  
或餘世間皆無有能如法轉者是為漏盡無  
畏世尊云何障法無畏善現若以無所得為  
方便為諸弟子說障道法設有沙門若婆羅  
門若天魔梵或餘世間依法立難及令憶念  
言習此法不能障道我於彼難正見無由以  
於彼難見無由故得安隱住無怖無畏自稱  
我處大仙尊位於大眾中正師子吼轉妙梵  
輪其輪清淨正真無上一切沙門若婆羅門

若天魔梵或餘世間皆無有能如法轉者是為障法無畏世尊云何盡苦道無畏善現若以無所得為方便為諸弟子說盡苦道設有沙門若婆羅門若天魔梵或餘世間依法立難及令憶念言修此道不能盡苦我於彼難

十四

十四

正見無由以於彼難見無由故得安隱住無怖無畏自稱我處大仙尊位於大眾中正師子吼轉妙梵輪其輪清淨正真無上一切沙門若婆羅門若天魔梵或餘世間皆無有能如法轉者是為盡苦道無畏善現當知是為菩薩摩訶薩大乘相復次善現菩薩摩訶薩大乘相者謂四無礙解何等為四謂義無礙解法無礙解詞無礙解辯無礙解善現如是四無礙解若以無所得為方便當知是為菩薩摩訶薩大乘相復次善現菩薩摩訶薩大

乘相者謂大慈大悲大喜大捨五眼六神通一切智道相智一切相智善現如是等法若以無所得為方便當知是為菩薩摩訶薩大乘相復次善現菩薩摩訶薩大乘相者謂十八佛不共法何等十八謂我如來應正等覺

從初證得阿耨多羅三藐三菩提夜乃至最後所作已辦入無餘依大涅槃夜於其中間常無誤失無卒暴音無忘失念無不定心無種種想無不擇捨志欲無退精進無退念無退慧無退解脫無退解脫智見無退一切身業智為前導十五隨智而轉一切語業智為前導隨智而轉一切意業智為前導隨智而轉於過去世所起智見無著無礙於未來世所起智見無著無礙於現在世所起智見無著無礙善現如是十八佛不共法無不皆以無所

得爲方便當知是爲菩薩摩訶薩大乘相復次善現菩薩摩訶薩大乘相者謂諸文字陀羅尼門爾時具壽善現白佛言世尊云何文字陀羅尼門佛言善現字平等性語平等性言說理趣平等性入諸字門是爲文字陀羅尼門世尊云何入諸字門善現若菩薩摩訶薩修行般若波羅蜜多時以無所得而爲方便入哀字門悟一切法本不生故入洛字門悟一切法離塵垢故入跋字門悟一切法勝義教故入者字門悟一切法無死生故入娜字門悟一切法遠離名相無得失故入矻字門悟一切法出世間故愛支因緣永不現故入柁字門悟一切法調伏寂靜真如平等無分別故入婆字門悟一切法離繫縛故入茶字門悟一切法離熱矯穢得清淨故入沙字

門悟一切法無罣礙故入縛字門悟一切法言音道斷故入頹字門悟一切法真如不動故入也字門悟一切法如實不生故入瑟吒字門悟一切法制伏任持相不可得故入迦字門悟一切法作者不可得故入娑字門悟一切法時平等性不可得故入磨字門悟一切法我及我所性不可得故入伽字門悟一切法行取性不可得故入他字門悟一切法處所不可得故入闍字門悟一切法生起不可得故入濕縛字門悟一切法安隱性不可得故入達字門悟一切法界性不可得故入捨字門悟一切法寂靜性不可得故入佉字門悟一切法如虛空性不可得故入羸字門悟一切法窮盡性不可得故入薩頹字門悟一切法任持處非處令不動轉性不可得故

入若字門悟一切法所了知性不可得故入  
辨他字門悟一切法執著義性不可得故入  
呵字門悟一切法因性不可得故入薄字門  
悟一切法可破壞性不可得故入縹字門悟  
一切法欲樂覆性不可得故入颯磨字門悟  
一切法可憶念性不可得故入嗑縛字門悟  
一切法可呼召性不可得故入蹉字門悟一  
切法勇健性不可得故入鍵字門悟一切法  
厚平等性不可得故入擔字門悟一切法積  
集性不可得故入擎字門悟一切法離諸喧  
諍無往無來行住坐卧不可得故入頗字門  
悟一切法遍滿果報不可得故入塞迦字門  
悟一切法聚積蘊性不可得故入逸娑字門  
悟一切法衰老性相不可得故入酌字門悟  
一切法聚集足跡不可得故入吒字門悟一

切法相驅迫性不可得故入擇字門悟一切  
法究竟處所不可得故善現如是字門是能  
悟入法空邊際除如是字表諸法空更不可  
得何以故善現如是字義不可宣說不可顯  
示不可執取不可書持不可觀察離諸相故  
善現譬如虛空是一切物所歸趣處此諸字  
門亦復如是諸法空義皆入此門方得顯了  
善現入此哀字等名入諸字門善現若菩薩  
摩訶薩於如是入諸字門得善巧智於諸言  
音所詮所表皆無罣礙於一切法平等空性  
盡能證持於衆言音咸得善巧善現若菩薩  
摩訶薩能聽如是入諸字門印相印句聞已  
受持讀誦通利為他解說不貪名利由此因  
緣得二十種殊勝功德何等二十謂得強憶  
念得勝慙愧得堅固力得法旨趣得增上覺

得殊勝慧得無礙辯得總持門得無疑惑得  
違順語不生恚愛得無高下平等而住得於  
有情言音善巧得蘊善巧處善巧界善巧得  
緣起善巧因善巧緣善巧法善巧得根勝劣  
智善巧他心智善巧得觀星曆善巧得天耳  
智善巧宿住隨念智善巧神境智善巧死生  
智善巧得漏盡智善巧得說處非處智善巧  
得往來等威儀路善巧善現是爲得二十種  
殊勝功德善現若菩薩摩訶薩修行般若波  
羅蜜多時以無所得而爲方便所得文字陀  
羅尼門當知是爲菩薩摩訶薩大乘相佛告  
善現汝問云何當知菩薩摩訶薩發趣大乘  
者善現若菩薩摩訶薩修行六波羅蜜多時  
從一地趣一地當知是爲菩薩摩訶薩發趣  
大乘爾時具壽善現白佛言世尊云何菩薩

摩訶薩修行六波羅蜜多時從一地趣一地  
佛言善現若菩薩摩訶薩知一切法無所從  
來亦無所趣何以故以一切法無去無來無  
從無趣由彼諸法無變壞故是菩薩摩訶薩  
於所從趣地不恃不思惟雖修治地業而不  
見彼地善現是爲菩薩摩訶薩修行六波羅  
蜜多時從一地趣一地世尊何謂菩薩摩訶  
薩修治地業善現菩薩摩訶薩住初極喜地  
時應善修治十種勝業何等爲十一者以無  
所得而爲方便修治淨勝意樂業勝意樂事  
不可得故二者以無所得而爲方便修治一  
切有情平等心業一切有情不可得故三者  
以無所得而爲方便修治布施業施者受者  
及所施物不可得故四者以無所得而爲方  
便修治親近善友業善友惡友無二相故五

者以無所得而為方便修治求法業諸所求  
法不可得故六者以無所得而為方便修治  
常樂出家業所棄捨家不可得故七者以無  
所得而為方便修治愛樂佛身業諸相隨好  
不可得故八者以無所得而為方便修治開

留三

十九之一

闡法教業所分別法不可得故九者以無所  
得而為方便修治破憍慢業諸興盛法不可  
得故十者以無所得而為方便修治恒諦語  
業一切語性不可得故善現菩薩摩訶薩住  
初極喜地時應善修治如是十種勝業復次

善現菩薩摩訶薩住第二離垢地時應於八  
法思惟修習速令圓滿何等為八一者清淨  
禁戒二者知恩報恩三者住安忍力四者受  
勝歡喜五者不捨有情六者恒起大悲七者  
於諸師長以敬信心諮承供養如事佛想八

者勤求修習波羅蜜多善現菩薩摩訶薩住  
第二離垢地時應於如是八法思惟修習速  
令圓滿復次善現菩薩摩訶薩住第三發光  
地時應住五法何等為五一者勤求多聞嘗  
無厭足於所聞法不著文字二者以無染心

常行法施雖廣開化而不自高三者為嚴淨  
土植諸善根雖用回向而不自舉四者為化  
有情雖不厭倦無邊生死而不自高五者雖  
住慙愧而無所著善現菩薩摩訶薩住第三  
發光地時應常安住如是五法復次善現菩

留三

十九之三

薩摩訶薩住第四焰慧地時應住十法常行  
不捨何等為十一者住阿練若常不捨離二  
者少欲三者喜足四者常不捨離杜多功德  
五者於諸學處未曾棄捨六者於諸欲樂深  
生厭離七者常樂發起寂滅俱心八者捨諸



